

明

史

明史卷三

本紀三

太祖三

八年春正月辛未增祀華雲龍等一百八人於功臣廟自是勲臣歿皆從祀癸酉詔有司訪窮民無告者舍之月給衣食山陽縣民有請代父罪者帝曰朕當為孝子屈法釋之辛巳遣鄧愈等十三人分徃陝西北平彰德真定汝寧督兵屯田開衛戍守癸未廣東盜陷會同衛軍討平之丁亥詔天下立社學是月河決開封役民三萬餘人塞之二月癸丑耕籍田召徐達李文忠馮勝等還傅友德趙庸何文輝統其軍鎮

北平甲寅商蒿出為浙江叅政三月辛酉朔造大明  
寶鈔禁民間金銀物貨交易戊辰選國子生三百六  
十人分教北方甲申德慶侯廖永忠卒夏四月辛卯  
幸中都丙申都督葉昇巡行綠海諸衛造舟防倭甲  
辰帝至中都祭告天地神祇乙巳淳皇帝忌日辛亥  
淳皇后忌日皆祭於皇陵丁巳至自中都罷中都營  
作薊臨洮平涼河州電災田租五月庚申朔貴州苗  
蠻叛指揮同知胡汝討平之戊辰中官趙成市馬河  
州六月戊午薊高郵水災滄景河間旱災田租秋七  
月己未朔日有食之辛酉改作太廟壬戌命李文忠

顧時備邊山西北平戊辰詔百官奔父母喪不俟報  
丁丑蠲應天太平寧國鎮江黃州蘄州旱災田租八  
月己亥李善長等分督中督諸衛屯事己酉元臣擴  
廓帖木兒卒於哈剌那海九月辛酉改建大內宮殿  
戊辰湖廣叅政吳雲使雲南未至為元人所害丙子  
元將張致道寇朔州應朔大同衛軍擊斬之冬十月  
丁亥朔詔舉富民端潔通達特務者丁未蠲祥符鹽  
城諸縣水災田租壬子命皇太子諸王講武於中都  
十一月甲戌甘露降南郊羣臣稱賀不受十二月丙  
午蠲宛平蝗災田租甲寅賑蘇州湖州嘉興松江常

冗官己巳詔文臣年七十致仕其年未及而闕茸有疾者罷爲民九月丙子召工部尚書黃福于交趾庚辰河溢開封遣右都御史王彰等往撫恤之壬午諭工部自今需用材物計直市之所產地有司敢科斂厲民者罪之癸未呂震請除服不許乙酉增諸王歲祿命鎮守交趾中官山壽賫勅赦黎利罪以爲清化知府丙戌簡給事中商賓等三十三人爲知縣免鳳陽被水稅糧丁亥黎利寇清化戊子命襄城伯李隆守備南京罪長沙民之自宮求爲內侍者辛卯廣宗漳河溢傷稼命賑之乙未諭兵部散太僕馬匹于諸

衛所及邊卒分牧之毋令畿民畜養以妨農務戊戌  
詔內外七品以上官舉通經任教職者各一人冬十  
月壬寅朔罷兩京戶部行用庫科買金銀甲辰詔恤  
孤獨丙午免登州諸府被水逋賦戊申通政司請以  
四方雨澤章奏送省中收貯帝曰祖宗欲前知雨澤  
以施恤民之政故令天下奏聞今轉送收貯是使上  
之人終不知也徒勞州縣何爲自今奏至其即封進  
朕親覽焉免徐薊被水稅糧賑於潛樂清饑己酉立  
妃張氏爲皇后壬子立皇子瞻基爲皇太子瞻堉爲  
鄭王瞻墉越王瞻塏襄王瞻垲荆王瞻垺准王瞻埈

滕王瞻垧梁王瞻埏衛王乙卯詔在京七品在外五  
品以上官及知縣各舉賢才非其人者坐之丁巳命  
楊士奇楊榮金幼孜會五府九卿六科錄囚承天門  
以爲常庚申增在京文武官及軍士月廩甲子改金  
純於刑部吳中於工部乙丑僉都御史向寶爲右都  
御史丁卯諭楊士奇等嚴試歲貢生以慎牧民之選  
戊辰以天寒加給緣邊將士鈔幣十一月壬申朔詔  
建文諸臣眷屬發教坊司浣衣局錦衣衛及習匠爲  
奴者俱赦爲民還其田土凡以言事謫戍者亦如之  
癸酉詔有司條政令之不便者以聞其有被災不即

請賑恤者罪之甲戌詔羣臣極言時政闕失阿魯台  
來貢馬遣使宥其罪命謹邊備乙亥赦兀良哈罪始  
命近畿都司官軍更番詣京師備操丙子遣御史巡  
察邊衛召大興宛平知縣令疏民所不便以聞癸未  
遣御史分巡天下考察官吏丙戌命郭資致仕辛卯  
禁所司擅役屯田軍士壬辰命方政同陳智鎮交趾  
賜道士劉淵然號真人是月賜蹇義楊士奇夏原吉  
楊榮金幼孜誥諭之曰前代人主或自尊惡直臣下  
遂阿旨取容以至于敗朕與卿等當深用爲戒因手  
益誥詞云勿謂崇高而難入勿以有所從違而或怠



一銖二月甲子復賑戶米一石丁卯詔食祿家復徭  
役三月乙未詔凡已故官復其家三年夏四月己酉  
鄧愈為征西將軍沐英副之討吐蕃是月賑太平寧  
國宜興錢塘仁和餘杭被水民戶米一石元將也速  
寇慶陽衛軍擊却之五月戊寅朔詔并省州縣庚子  
李善長李文忠同議軍國重事中書省都督府御史  
臺悉總之事皆議允以聞癸卯賑湖廣被水民戶鈔  
一錠鄧愈大敗吐蕃追至崑崙山而還是月西蕃寇  
涼州指揮鄭遇春擊却之六月丁巳詔臣民言事者  
實封達御前丙寅詔政事皆啓皇太子裁決奏聞秋

七月甲申置通政使司是月初遣御史巡按州縣浚  
邑入貢八月庚戌詔建大祀殿於南郊合祀天地癸  
丑改社稷壇午門之右九月丙子朔詔曰昨浙西民  
被水艱食已遣使賑今幸豐稔獨念小民去歲稱貸  
既已償責匱乏猶多其嘗被水者再賜租一年丙申  
賑紹興金華衢州水災辛丑胡惟庸遷左丞相汪廣  
洋為右丞相陳寧遷左御史大夫丁玉為右御史大  
夫冬十月丙辰以熒惑犯輿鬼勅大臣修省賑永平  
火災戊午封沐英為西平侯辛酉賜公侯及省府臺  
部都司內外衛官七百六十人公田以其租充祿十

一月己卯皇孫允炆生癸未鄧愈卒丁亥冬至合祀  
天地於奉天殿是月賜河南陝西廣東湖廣今年田  
租四川松州土司董貼里叛以丁玉為平羌將軍討  
降之十二月乙巳朔日有食之丙午命政事啓東宮  
者李善長等更參酌可否以閏丁未錄故功臣子孫  
五百餘人授官有差

十一年春正月甲戌朔封皇子椿為蜀王栢湘王桂  
豫王模漢王植衛王改封吳王橐為周王己卯進封  
湯和信國公是月徵天下布政使知府入覲二月戊  
申祀大社大禘始以仁祖配罷勾龍棄祀是月指揮

胡淵等平茂州蠻會丁玉師征松潘三月丁丑第入  
覲官為三等上考賜宴坐中考賜宴不坐下考立之  
門外俟宴畢乃退壬午秦王挾晉王摠之國夏四月  
己酉閻婆入貢是月元嗣君愛猷識里達臘殂子脫  
古思帖木兒嗣靈州屯田百戶山丹等叛葉昇討平  
之五月丁酉遣使賑蘇州諸府民嘗被水災者戶米  
一石蠲逋租六十五萬餘石戊戌蠲廣平旱災夏稅  
庚子賑聞喜萬泉饑六月壬子遣使祭元嗣君自是  
復再祭己巳五開洞蠻吳面兒叛殺指揮僉事過興  
命辰州指揮使楊仲明討之秋七月丁丑猗氏諸縣

饑戶賑米一石仍蠲夏稅已知賑蒲州饑辛巳沐英  
城岷州辛卯蠲華同蒲城邵陽旱災田租丁酉禁謫  
人不得上封事是月蘇州松江揚州台州海溢漂民  
居遣使存恤八月賜太平應天鎮江寧國廣德徽州  
長興安吉宜興江陰今年田租蠲平涼華亭雹災夏  
稅九月丙申追封劉繼祖為義惠侯冬十月丙辰河  
決蘭陽蠲田租十一月庚午朔城山西寧化鎮駐兵  
勦四大王五開諸蠻平以沐英為征西將軍率藍玉  
王弼討西番是月蠲封丘水災平涼蝗災田租十二  
月丁未溢亨百花入貢是月僧宗泐使西域

十二年春正月己卯始合祀天地於南郊丁亥命有  
司官瘡癘地者以六年考滿辛卯通政使涂節為御  
史中丞乙未詔丁憂官在職三年以上無贓犯者予  
半俸終制始及三年者予全俸三月著為令丙申命  
國子生歲久者歸省賜道里費其父母若祖父母伯  
叔父母存者人賜帛二疋丁丑平松州蠻二月戊戌  
朔李文忠起置河岷臨洮鞏昌軍事乙巳以久雨雪  
賜天下窮民鈔京師貧戶加給鹽夏四月甲辰眉縣  
賊彭普貴作亂殺知縣顧師勝焚掠諸州縣十四乙  
丑詔致仕官四品以下者加秩一等五月癸未賜北

平今年田租秋七月乙巳元兵寇阿蘭溪口大同指  
揮魏平擊敗之丙辰丁玉討彭普貴殲之己未李文  
忠提督大都督府事八月戊寅定文案簡明格式頒  
示諸司辛巳詔凡致仕官復其家終身無所與居鄉  
宴會別席爵同則序苗庶民以官禮見敢凌侮者罪  
之九月己亥沐英大破西蕃擒叛酋三副使等癸卯  
通政司左叅議方彜為中書左叅政甲辰重慶知府  
殷哲為中書右叅政丁玉遷左御史大夫浙江布政  
使安然為右御史大夫四川右叅政秦中為左御史  
中丞戊午占城貢使至中書省不以時奏帝責省部

諸臣墮蔽下之獄龍岩民江志賢作亂官軍討平之  
癸亥秦王棟晉王柎來朝冬十一月甲午朔論征西  
功封仇成等十二人為侯甲辰殷哲罷為右通政庚  
申都督僉事馬雲等討大寧寇平之辛酉復以殷哲  
為中書左丞通政叅議李素為右丞十二月甲申丁  
玉還自四川改大都督府左都督丁亥選北方民僑  
寓京師有才能者授官有差是月右丞相汪廣洋有  
罪貶海南賜死徵天下博學老成之士

十三年春正月戊戌左丞相胡惟庸謀為逆事覺反  
其黨御史大夫陳寧中丞涂節左都督丁玉皆伏誅



籍其家庚子山西左叅政僕斯為吏部尚書河南按察使鄭九成為禮部尚書應天府尹徐鐸為戶部尚書癸卯罷中書省歸其職於六部進尚書秩分大都督府為五軍都督府布告天下乙巳御奉天門除百官丁巳罷御史大夫改安然為左御史中丞辛酉大都督府判官洪彝為吏部尚書二月壬戌朔詔舉聰明正直孝弟力田賢良方正文學之士及精通術數者至則月給廩餼嘉興知府薛祥為工部尚書發丹符驗天下金穀之數戊辰詔文武官年六十以上者聽致仕壬申改僕斯於禮部三月壬辰朔減蘇州松

江嘉興湖州官田租十之二壬寅燕王棣之國壬子  
沐英襲脫火赤於亦集乃禽之盡降其部曲夏四月  
乙丑賜京師民鈔孤獨老疾者倍之甲申都督濮英  
襲元柳城王等獲之己丑命羣臣各舉所知五月甲  
午雷震謹身殿大赦天下賜太平鎮江宣城廣德滁  
和今年田租山西民為軍者二萬四千餘戶還為民  
丙申罷京師及臨濠屯田輸作者安然致仕李善長  
理御史臺事己亥詔曰朕撫臨天下十有三年倉廩  
府庫皆惟民供而未有施惠何以慰生民之望其盡  
蠲天下今年秋糧官吏坐事罷黜者聽其來朝仍授

以職壬寅濮英軍至赤斤站俘元幽王亦憐真乙己  
以赦令盡放諸屯田役作者癸丑戶部郎中范敏署  
部事尋試尚書是月罷御史臺六月庚申朔蠲太原  
大同鹽課丙寅雷震奉天門避正殿省咎丁卯罷王  
府工役癸酉太常少卿阮駿為吏部尚書丁丑置諫  
院官戊寅詔軍民嫁娶喪祭物及舟車綵布之屬皆  
勿稅甲申僕斯致仕是月頒臣戒錄於中外秋七月  
壬寅倭寇東莞諸縣丁巳禮部侍郎李冕試尚書八  
月丙戌倭寇廣東海豐丁亥除惠安德化浮糧是月  
制天下儒學師生廩餼九月辛卯景川侯曹震及楊

環薛顯督北平屯田乙巳天壽節始御奉天殿受朝  
賀宴羣臣於謹身殿丙午置四輔官告於太廟以儒  
士王本杜佑龔敷杜敷趙民望吳源為之是月安置  
宋濂於茂州冬十月壬戌蠲高郵水災田租己卯李  
冕罷為江西試叅政十一月甲午詔公侯及諸武臣  
子弟習樂舞供祀事丙午元平章完者不花乃兒不  
花寇永平指揮劉廣戰歿千戶王輅擊敗之擒完者  
不花十二月聰明正直孝弟力田賢良方正文學之  
士應舉至者八百六十餘人皆授之官南雄侯趙庸  
鎮廣東討陽春蠻

十四年春正月戊子徐達為征虜大將軍湯和傅友德為左右副將軍討乃兒不花范敏罷詔應召授官者各舉文學賢良方正聰明正直孝弟力田及才幹之士乙巳命吏部日引諸科賢才至端門四輔諫院官與議論以觀其能丁未近臣有言國家當儲侍者帝曰人君制財與庶人不同庶人積財於其家人君為天下主當貯財於天下豈可塞民之養而陰奪其利乎昔漢武帝用東郭咸陽孔僅之徒剝財取利以擾海內宋神宗用王安石理財小人競進天下騷然遂亂可為至戒言者慚而退自是無敢以利進者壬

子罷造兵器癸丑命公侯武臣遣子弟入國學丙辰  
詔求隱逸禮部侍郎李叔正為尚書是月始詔州縣  
編賦役黃冊龔穀杜敷趙民望吳源俱致仕二月丙  
寅楚王禎之國辛未試戶部侍郎徐輝試尚書庚辰  
覈天下官田三月丙戌朔詔赦天下辛丑頒五經四  
書於北方學校馮勝節制河南軍務癸卯詔自今官  
吏受賄並罪通賄者家徙邊丙午前御史中丞安然  
為四輔官夏四月丙辰朔詔國子生兼讀律令及劉  
向說苑甲子詔自今官吏有罪宥過還職榜示其門  
改則除之不悛者論如律庚午徐達等出塞傅友德

夜襲灰山俱大獲沫英等畧公主山獲全寧四部以  
歸五月乙酉朔哈梅里回回入貢六月丙辰安南寇  
思明詔却其貢秋七月丁亥刑部郎中胡禎試尚書  
戊戌日本使至却其貢八月乙丑陽春蠻平丙子命  
天下訪求明經老成儒士庚辰河決祥符原武中牟  
諸縣安然卒九月壬午朔傅友德為征南將軍永昌  
侯藍玉及沐英為左右副將軍征雲南辛丑命自今  
雜犯死罪皆減死論丙午周德興平五溪蠻移師討  
四川叛蠻平之丁未考功監令李徵為兵部尚書是  
月李幹何顥周為四輔官冬十月壬子朔日有食之

癸丑命法司論囚翰林院給事中及春坊正字司直  
郎會議平允然後覆奏甲寅賜應天太平廣德鎮江  
寧國秋糧癸亥遣御史分道錄囚己巳禁瀕海民私  
通蕃國蠲陳祥符諸州縣水災田租壬申定考核百  
司法己卯海陽民作亂趙庸討平之是月周王橐之  
國十一月壬辰覈天下廢寺田入官丁未初賜國子  
生長至節錢起復太常卿唐鐸為兵部尚書庚戌福  
安民作亂指揮使張春指揮僉事李惠討平之廣州  
海賊曹真寇東莞諸縣趙庸討平之十二月壬子禮  
部郎中高信試尚書乙卯龍岩民作亂建寧諸衛兵



討平之丁巳命翰林春坊官考駁諸司章奏戊辰傅友德等大敗元梁王兵於白石江遂下曲靖辛未初賜國子生正旦上元節錢戶部尚書徐輝有罪下獄當死以輝勤其官詔減死論壬申元梁王把匝剌瓦爾密走普寧自殺甲戌藍玉沐英下雲南丙子延安侯唐勝宗討平衛州處州温州山寇傅友德大破烏撒諸蠻東川烏蒙芒部皆降

十五年春正月辛巳朔太宴羣臣始用九奏之樂曹震及定遠侯王弼下威楚路甲申置諸司勘合己丑減死囚庚寅蠲開封河決田租庚戌命天下朝覲官

各舉所知一人二月壬子駙馬都尉李祺賑河南饑  
甲戌蠲陳祥符諸州縣水災田租翰林典籍劉仲質  
為禮部尚書乙亥起致仕鎮撫百戶胡博龍德等十  
一人為布政使叅政叅議等官閏二月癸卯藍玉沐  
英克大理禽其酋段世西南諸蠻悉平三月癸亥籍  
廣東墾戶萬人為水軍乙丑頒軍律於武臣丙寅吏  
部試侍郎李信工部試侍郎趙俊為尚書庚午河決  
朝邑夏四月丙戌詔天下府州縣學通祀孔子賜學  
田增師生廩餼壬辰賜畿內諸府及浙江江西河南  
山東今年田租癸巳命國子生病殞者有司給棺歸

其喪是月西堡蠻寇普定指揮同知顧成擊敗之五  
月乙丑改建國子監成釋菜於先師御彝倫堂祭酒  
吳顥等進講經義帝親說尚書大禹臯陶謨洪範大  
旨賜宴竟日而還癸酉賢良方正郭允道為戶部尚  
書丙子廣平府吏王允道諸開磁州鐵冶帝曰朕聞  
王者使天下無遺賢不聞使無遺利令百姓初復業  
軍器非乏顧欲以此擾民耶杖之流海南丁丑遣行  
人諭天下有司訪求經明行修之士秋七月庚戌謂  
學士宋訥曰朕每觀尚書至敬授人時嘗歎敬天之  
事中主猶能知之敬民之事鮮有知者君威日廢思

禮沒薄民與已不相屬洋渙離散不難矣古帝王所以能享國長久惟畏于民若而已乙卯河溢榮澤陽武乙亥前助教開濟試刑部尚書烏撒諸蠻復叛傳友德沐英擊破之是月壬本棄市罷四輔官先是命罪人減死戍邊者還家具資用八月辛巳先期來歸者五十三人詔宥其罪與道里費放還頒學校禁例於天下賑嘉定饑丙戌皇后馬氏崩己丑唐勝宗及長興侯耿炳文督陝西屯田丁酉秀才曾泰為戶部尚書辛丑詔秀才徵至京者分六科試之第其高下令京官各舉所知壬寅秦王挾晉王桐燕王棣周王

補楚王楨來奔喪是月萬崖二州賊陷陵水南海衛  
軍討平之九月己酉吏部引經明行修之士鄭韜等  
三千七百餘人入見諭之曰卿等誠賢然巖穴間豈  
無復如卿等者其悉以告朕於是儒士張寧薦董倫  
等復遣使徵之庚申授儒士金良佐邢浩等為左右  
布政使叅政叅議等官癸亥置天下提刑按察分司  
以儒士王存中等五百三十一人為試僉事人按二  
縣庚午葬孝慈皇后於孝陵是月雲南諸蠻復叛沐  
英等討平之冬十月丙子朔置都察院癸未詔天下  
來朝官各舉茂才一人戊子詔天下按察司考察學

官通經術能文章者並以名聞趙庸討平廣東羣盜  
詔班師乙未齊王搏之國十一月丁未初賜京師官  
民長至節錢丁卯勅各都指揮司詢訪按察分司行  
事具實以聞壬申御史任昂為禮部尚書甲戌兵部  
尚書唐鐸罷為諫議大夫以監察都御史趙仁代之  
十二月乙亥朔封都督僉事李新為崇山侯丙戌詔  
各部逮繫罪人俱付刑部鞠問己丑城山海衛辛卯  
賑北平屯卒己亥降顯趙庸及懷遠侯曹興督理山  
西軍務庚子詔凡軍士建言所司實封郵遞以聞  
十六年春正月己巳朔琉球山南王入貢壬申李文

忠兼領國子監事是月陳敬試吏部尚書二月丙申  
詔天下儒學歲貢士於朝丁酉蠲鳳陽和旱災田租  
是月試戶部郎中王肯為尚書三月甲辰朔詔傅友  
德等班師沐英留鎮雲南丙寅復鳳陽臨淮二縣民  
世世無有所與壬申罷按察分司夏四月甲申遣永  
平侯謝成賑蔚朔二州饑乙未頒勘合文冊於暹羅  
占城真臘諸國己亥除宣城逋租元海西酋長阿魯  
灰內附五月庚申賜應天太平鎮江寧國廣德田租  
六安侯王志安慶侯仇成鳳翔侯張龍督兵往雲南  
繕城堡置郵驛安輯人民六月癸酉朔命天下選儒

士吏員練時務曉治體善詞命者辛卯賜濬田租二  
年秋八月壬申朔日有食之甲戌詔御史及按察司  
官巡行郡縣廉察有司九月辛丑朔命國子生三年  
一歸省期親尊屬故者許奔喪己未清遠蠻叛都指  
揮王夔討平之癸亥申國公鄧鎮為征南副將軍討  
龍泉山寇分遣給事中及國子生清理軍籍冬十月  
戊子詔京官試職一年考核稱職實授不稱者黜之  
高麗入貢却之十一月甲寅蠲壽旱災田租十二月  
丁丑初賜京師官民正旦上元節錢甲申琉球山北  
王入貢甲午刑部尚書開濟侍郎王希哲有罪誅罷



試吏部尚書陳敬濟所薦也。須文達那入貢。

十七年春正月乙巳，優給故官家屬。月未巳酉，左僉都御史詹徽為左都御史，戶部侍郎栗恕試尚書左叅軍，劉遠試刑部尚書，右叅軍麥至德試工部尚書。甲子，起復左通政余煥試吏部尚書。丙寅，召廢官鞏貫道等五十餘人授布政按察司等官。二月巳巳朔，僧智光等使西天，尼八剌國。三月戊戌朔，頒科舉法。李文忠卒。庚子，龍泉山寇平。庚戌，磨勘。令俞綸試兵部尚書。壬子，停造寶鈔。癸丑，蠲龍陽武陵逋租。甲子，大赦天下。夏四月辛巳，前山西僉事郝桓試戶部尚

書壬午論平雲南功進封傅友德潁國公陳桓胡海  
郭英張翼皆為侯以八事考覈有司頒之天下癸未  
大賚征南將士庚寅詔收征南將士遺骸天下歲貢  
及外國酋長遣子入學者凡數千人增築學舍集賢  
門外以居之五月甲寅詔海運軍士溺死者恤其家  
丙寅涼州指揮使宋晟討西番叛酋大破之六月戊  
辰詔明年朝正者各書其事於冊繪土地人民為圖  
以獻高麗來謝罪請貢馬許之己丑粟恕罷為福建  
叅政是月蠲宛平諸縣被災龍泉諸縣被寇田租秋  
七月戊戌詔中官毋干外事諸司毋與內官監文移

往來祭丑詔百官迎養父母者官給舟車甲寅勅吏  
部簿錄朝覲官所舉屬吏及人才考滿日以當否為  
黜陟遣使諭安南轉粟餉雲南丁巳賜應天太平鎮  
江寧國廣德淦和今年田租之半命蘇州松江嘉興  
湖州以黃金代輸今年田租壬戌盱眙民獻天書伏  
誅乙丑秦晉燕周齊楚六王來朝八月丙寅朔河決  
閭封己卯復以任昉為禮部尚書丙戌詔諸州戶不  
及三千者改為縣己丑蠲河南及揚州逋租是月復  
舉鄉試九月乙卯蠲西安旱災田租冬十月丙子李  
祺等賑河南北平水災丙戌左諭德趙習為禮部尚

書丁亥歲大名水災田租閏十月乙巳論監司勿侵  
府縣職癸丑詔天下刑獄皆聽刑部都察院平允大  
理寺覆讞然後決之辛酉建學遠東十一月丙子除  
翁源逋租庚寅試左審刑王惠迪為刑部尚書十二  
月壬子蠲雲南霜災逋租

十八年春正月甲子太原同知溫祥卿為兵部尚書  
戶部試尚書郭桓降右侍郎以山東左布政使徐鐸  
代之乙丑工部尚書麥至德降左侍郎以廣東左布  
政使徐本代之辛巳東蘭州蠻作亂官軍討平之二  
月甲辰以陰雨久晦電電間作詔中外百司下至編

祇卒伍極言得失己未徐達卒是月復舉會試松州  
寇叛成都指揮僉事成信討平之三月壬戌朔策試  
天下貢士賜丁顯等四百七十二人進士及第出身  
有差詔中外官父母歿任所者有司具舟車歸其喪  
著為令乙亥賜應天太平寧國鎮江廣德滁和今年  
田租詔瘞暴骸己丑治戶部右侍郎郭桓等侵盜官  
糧罪夏四月壬寅命書官司善惡分揭於其鄉之旌  
善申明亭丙辰思州蠻作亂湯和為征虜將軍周德  
興為副將軍從楚王禎討平之五月乙丑改用諸武  
職為布政司官丙子蠲秦水災田租六月癸己溫祥

卿罷為刑部主事戊申命外官三年一朝覲秋七月  
乙丑詔逮有司歲久為民害者充軍輸作有差丹徒  
知縣胡孟通縣丞郭伯高金瓊知縣李思進在逮中  
兩縣民詣闕陳其德政乞留之帝勞以酒賜勅褒勵  
遣還官自是有司當去官父老乞留者皆復任丙寅  
命戶部以天下租課歲入之數勒石廳事庚辰五開  
蠻吳面兒復作亂發湖廣諸衛軍討之丙戌命國子  
生患病者官給醫藥久不痊行人送還家所過有司  
給藥餌死則為棺斂歸其喪八月丙午賜公侯鈔人  
一萬錠還鄉建第宅庚戌馮勝為征虜大將軍偕傅

友德藍玉率京衛軍備北平邊是月賑河南水災九月丁亥檢討茹太素為戶部尚書冬十月己丑朔御製大誥成頒示天下賜北平今年田租之半癸巳釋孟子裔以罪輸作者二人諭所司凡先賢子孫輸作者並免之丁酉蠲廣東被寇州縣逋租是月湘王栢魯王檀之國右副都御史唐鐸為刑部尚書湯和倖吳面兒送京師伏誅十一月乙亥蠲湖廣河南山東北平水災田租二百八十八萬餘石十二月庚寅潭王梓之國丙午詔有司舉孝廉戊申茹太素貶御史癸丑平緬思倫發反都督馮成討之敗績

十九年春正月辛酉賑應天大名饑二月己丑雲南  
臻洞西浦諸蠻叛傅友德討平之丙申耕籍田癸丑  
賑河南饑三月辛未御製大誥續編成頒示天下壬  
午蠲吳江水災田租夏四月丁亥遣使省視河南水  
災賑未及者補之甲午初賜天下有司薪炭鈔甲辰  
詔河南民遭水鬻子者官為贖丙午慈谿丞秦仲彰  
執府吏不法者詣闕下命貶知府李仲文為慈谿丞  
以仲彰代之六月甲辰詔曰朕君臨天下十有九年  
奸邪在位致乖政理先王之道未完于行茲申飭有  
司推行德意良民貧者年八十以上月給米五斗酒



三斗肉五斤九十以上歲加帛一疋絮一斤有田產能自贍者僅除米餘給如之其富實之民應天鳳陽二府八十以上賜爵社士九十以上鄉士天下八十以上賜爵里士九十以上社士皆與縣官均禮復其徭役有司歲一存問鰥寡孤獨果有田糧卽與除去差撥無者歲給米六石軍士傷殘者改入民籍仍免雜役三年官軍陣歿者子孫襲職升一等岩穴之士以禮敷聘而遣之於戲養老恤孤報功崇德古帝王所以致治也有司其懋敬之哉丁未詔河南荒田聽民開墾勿科擾賑青州鄭饑秋七月癸未詔舉經明

行修練達時務之士年六十以上者置翰林備顧問  
六十以下於六部布按二司用之八月丙戌靖寧侯  
葉昇營陽侯楊通率軍捕象於左江之十萬山辛卯  
以天下諸司書吏積久蠹政害民悉逮至京論戍五  
開衛選畿內富民子弟千四百六十人以補之甲辰  
製德懿熙三祖帝后冕服命皇太子詣泗州盱眙修  
繕陵寢而瘞之九月庚申詔雲南屯田冬十月族誅  
前明州指揮林賢以黨胡惟庸謀叛也十二月癸未  
朔日有食之癸巳御製大誥三編成頒示天下戊申  
巨津蠻叛千戶浦泉戰死陵仲亨討平之是月詔發

北平河南山東山西民二十餘萬運糧百二十餘萬  
石於松亭大寧

明史卷四

本紀四

太祖四

二十年春正月癸丑馮勝為征虜大將軍傅友德藍玉為左右副將軍帥師二十萬討納哈出焚錦衣衛刑具以繫囚付刑部二月壬午朔閱武於午門甲申藍玉襲慶州殺元平章果來乙未耕籍田三月辛亥朔馮勝等築大寧寬河會州富峪四城駐師大寧丙子詔有罪當徙者田成都夏四月戊子周德興增置福建緣海衛所籍民丁戌之庚寅賜大寧運餉民今年夏稅五月戊寅詔有司犯輕罪者宥之雜犯死罪

及徒流俱帶罪還職六月乙酉博羅山賊作亂攻惠州官軍討平之丁亥廢寧波昌國縣徙其民為軍癸巳御史李原名試禮部尚書庚子臨江侯陳鏞從征納哈出失道戰歿癸卯馮勝等率軍踰金山至女直苦屯納哈出部將觀童降丁未納哈出約降藍玉往受之以納哈出歸降其衆四萬餘人遂班師閏六月辛亥詔徵孝廉庠申都督濮英殿大軍遇伏死之甲戌詔民間子弟講習大誥秋七月庚辰詔已故武臣無嗣者給全俸贍其家丁酉納哈出別部營王失利八禿雲安王璽吉兒的等來降禮臣請立武學建武

廟以祀太公帝曰折文武為二可乎不許乙巳封何  
真為東莞伯八月壬申詔民年二十以上不得為僧  
癸酉馮勝械鄭國公常茂至京師詔收勝總兵官印  
召還藍玉攝軍事曹震率四川兵就雲南品甸屯田  
九月戊寅朔封納哈出為海西侯癸未置大寧都指  
揮使司壬辰撒馬兒罕入貢丁酉安置常茂於龍州  
丁未藍玉為征虜大將軍唐勝宗及武定侯郭英為  
左右副將軍率師征漠北耿炳文率陝西諸衛軍城  
西寧冬十月戊申朔封都督僉事朱壽為舳艫侯張  
赫航海侯乙丑籍徽州杭州諸府富民充鳳陽至鄭

州驛馬戶丁卯選南方學官有文行者使典教北方  
增廣生員不限齋復其家頒禮儀定式於天下丙子  
惠州海賊作亂攻陷城邑都指揮花茂討平之是月  
勅馮勝就第鳳陽十一月壬午普定侯陳桓及葉昇  
督畢節等衛屯田己丑湯和築浙江緣海諸衛五十  
九城籍紹興諸府民戍之十二月己巳賑濟南東昌  
東平饑庚午西天尼八剌入貢壬申遣唐鐸運鈔百  
萬賑登州萊州饑正高麗疆界是月頒武臣大誥  
二十一年春正月思倫發寇馬龍他郎向都督甯正  
擊破之甲午右副都御史凌漢為右都御史遣使賑

青州饑有司不以聞者治之卒且降軍姚曲里歹等  
反于廣西傅友德討平之二月甲寅詔以歷代名臣  
三十七人從祀帝王廟戊午罷隋文帝祀庚申蠲貴  
州金筑二土司逋租甲戌元四大王降徙之雲南三  
月乙亥朔策試天下貢士賜任亨泰等九十七人進  
士及第出身有差丙戌遣仇成賑東昌東平饑己亥  
以進士行監察御史事分巡天下州縣壬寅朶貢生  
番寇潘州指揮周助等討平之甲辰沐英討思倫發  
大破之夏四月壬子賜蘭陽縣百歲民陳濟樵等二  
人冠帶月給酒肉命有司時加存問丙辰藍玉等破



元嗣君脫古思帖木兒於捕魚兒海獲其次子地保  
奴及其妃主俘衆七萬餘人復敗其將哈剌章俘萬  
五千餘戶而還甲子龍川民蘇文山等作亂指揮吳  
成等討平之五月甲戌朔日有食之戊戌減京畿浙  
江江西官田租額六月甲辰湯和乞還鄉厚賜遣之  
丁未改刑部尚書唐鐸於兵部甲子詔戶部曰曩者  
賑青州饑民漕粟稍後遂有轉死者由素無儲蓄故  
也今山東歲稔縣可置預備倉四運鈔二百萬貫糴  
粟實之以待凶荒傅友德為征南將軍沐英陳桓為  
左右副將軍討東川蠻狄七月戊寅安置地保奴于

琉球甲申降將脫因帖木兒謀叛伏誅甲午賜徐夏  
稅八月癸丑還澤潞二州民無業者於河南北墾荒  
給鈔以備農具仍復其家三年甲寅凌漢降刑部右  
侍郎召還諸武人為布政司官者乙卯命九卿舉文  
學幹濟之士丙辰八百媳婦入貢戊辰宴北征諸將  
於奉天殿封都督僉事孫恪為全寧侯以八諭飭武  
臣九月丙戌秦晉燕周楚齊湘魯潭九王來朝封漢  
英子璵為西涼侯癸巳元嗣君脫古思帖木兒及其  
子天保奴為也速迭兒所弒其國公老撒知院捏怯  
來等以三千人降丁未葉昇等討東州叛蠻平之乙

丑頒武士訓誡錄十二月壬戌進封藍玉涼國公是  
年安南黎季犛弑其主陳煒立陳叔明子日焜  
二十二年春正月壬午女直千戶孛羅哥叛都督僉  
事聶緯等擊斬之丙戌改大宗正院曰宗人府秦王  
棧為宗人令晉王摠燕王棣為左右宗正周王橐楚  
王楨為左右宗人二月癸卯兵部左侍郎沈潛刑部  
右侍郎趙勉為尚書壬戌禁武臣預民事癸亥湖廣  
安福所千戶夏得忠結九溪蠻作亂東川侯胡海及  
陳桓葉昇討之丁卯戶部左侍郎楊靖工部右侍郎  
秦遠為尚書是月傅友德敗阿資於越州降之三月

庚午朔傅友德等二十四人練兵四川湖廣控制百  
蠻辛巳遣使運鈔於河南山東北平山西陝西糴穀  
備荒夏四月己亥朔詔杭州湖州温州台州蘇州松  
江諸府民無業者就耕淮南賜鈔備農具復其家三  
年庚戌賑萊州兗州饑甲寅安置元降王於耽羅甲  
子雲南都勻蠻叛都督僉事何福討平之丙寅郊城  
沂水諸縣隕霜傷稼有司不以聞遣御史按治之賜  
湖廣及九江貧民鈔五月辛卯置秦寧朶顏福餘三  
衛於兀良哈乙未唐鐸致仕六月辛亥詔孝廉茂才  
年四十以下者於行人司差遣賑開封彰德旱災蠲

其田租秋八月乙卯詔府州縣各舉高年有德識達  
時務者一人是月更定大明律九月丙寅朔日有食  
之戊辰賑長樂興寧饑冬十月壬戌增建國子生房  
舍居其家屬十一月丙寅詔諭山西狹鄉民願徙者  
於河北濟東計丁授田以業之己卯遣使諭思倫發  
思倫發入貢謝罪百彛平癸未命天下州縣里選耆  
年有德者入朝觀政是月都督僉事耿忠於琥坐交  
通胡惟庸為逆族誅十二月丁酉薊南海漕租甲辰  
遷周王橚於雲南庚戌魯王檀薨戊午富川民作亂  
殺知縣徐原善都指揮韓觀發兵討平之是年高麗

李成桂廢其主王昌而立王瑤

二十三年春正月丙寅蜀王椿之國丁卯傅友德為  
征虜前將軍趙庸曹興為左右副將軍從晉王柁燕  
王棣分道征元丞相咬住及乃兒不花等庚辰貴州  
苗蠻作亂唐勝宗討平之辛巳蒙古指揮安童為刑  
部尚書甲申命天下衛所戶有二軍者免一人為民  
乙酉齊王樽從燕王棣北征贛州賊夏三等結湖廣  
諸蠻作亂胡海充總兵官陳桓葉昇為副討之唐勝  
宗練兵貴州以控諸蠻二月戊申監玉奏平西番壬  
子詔有司凡過誤至三犯者并紀罪還職丙辰耕籍

田戊午沅陵主簿張傑有罪以其母守節宥之加祿  
秩終養癸亥監玉克散毛洞擒蠻酋刺惹覃大旺等  
萬餘人河決歸德州鳳池沒永城夏邑諸縣州民李  
從義謁關請築隄從之以從義知晉州罪有司不以  
聞者三月壬申發山東河南倉粟貸貧民戊子黜刺  
入貢癸巳燕王棣師次迤都乃兒不花咬住忽哥赤  
阿魯帖木兒皆降晉王欄出塞不見寇而還夏四月  
丙申潭王梓自焚死閏四月甲戌除期服奔喪之制  
丙子監玉平施南忠建叛蠻丙戌除湖廣江西廣東  
被寇州縣及四川貴州諸土司逋租五月癸巳朔改

戶部尚書楊靖於刑部兵部尚書沈潛於工部刑部  
尚書趙勉於戶部工部尚書秦遠於兵部遠潛尋復  
故任甲午遣諸公侯還鄉賜金綺有差甲寅詔擇天  
下來朝老人齋鈔於所在糴穀備荒乙卯大治胡惟  
庸逆黨太師韓國公李善長自殺吉安侯陸仲亨延  
安侯唐勝宗平涼侯費聚宜春侯黃彬濟寧侯顧敬  
營陽侯楊通等皆坐誅是月頒昭示奸黨錄於天下  
六月丁卯海門海溢溺人民遣使築堤賑被災者辛  
未詔公侯從卒以百戶領之賜以鐵冊庚辰左都御  
史屠徽兼吏部尚書戊子選耆民有才德知典故者



官之凡四百二十五人秋七月河決開封崇明海門  
潮溢壞廬舍並遣使賑之八月壬申詔選舉母錄隸  
卒是月賑河南山東北平及長沙水災九月庚寅朔  
日有食之壬寅封桑世傑子都督僉事敬為徽先伯  
癸丑賜在外諸司公宴節錢戊午賑黃州武昌漢陽  
沔陽擲饑冬十月乙亥贛州賊平己卯賑荊州襄陽  
安陽水災甲申封都督僉事張銓為永定侯戊子上  
虞人王起東獻大明頌命為禮部試右侍郎十一月  
壬子右副都御史茹瑄試兵部尚書癸丑選耆民百  
六十七人授府州縣官俾歷事諸司蠲濟南兗州青

州萊州登州水災田租丙辰陳杞諸州縣河溢沒稼  
遣使賑之十二月癸亥詔罪犯非十惡及殺人者皆  
輸粟北邊贖之壬申罷天下歲織文綺戊寅遣國子  
生十四人巡視山東流民是月復賑山東北平被水  
州縣

二十四年春正月戊申傅友德為征虜將軍王弼郭  
英為左右副將軍練兵北平備邊甲寅賑崇明饑二  
月壬申耕籍田甲戌賑徐沛饑三月戊子朔日有食  
之魏國公徐輝祖曹國公李景隆及藍玉桑敬等防  
陝西邊甲午罷朝謂侍臣曰昨發庫中古鏡以鑑貌

多失真問之冶工曰範模不正故鏡體偏邪朕聞之  
惕然鏡有偏邪則不可鑑形人君宰天下別邪正察  
是非皆本於心心苟不正即百度乖矣正心之功其  
可忽乎丁酉策試天下貢士賜許觀等三十一人進  
士及第出身有差夏四月乙丑遣使賑陳留睢夏邑  
寧陵項城水災戊辰鑄渾天儀成辛未封皇子撫為  
慶王權寧王榘岷王懋谷王松韓王模瀋王楹安王  
捩唐王棟郢王懌伊王癸未燕王棣督傅友德等軍  
捕蕃將阿失里等五月丁亥朔賜天下方面有司官  
馬有差己丑停造寶鈔辛卯端午幸龍光山閱公侯

子弟及將校射柳戊戌漢王揆衛王植慶王榘寧王  
權岷王搜谷王德鍊兵臨清甲寅賑通武清諸州縣  
水災六月丁巳詔清理僧道令有司朔望謁文廟與  
師生講說經史辛酉選歷事官徃各布政司整飭庶  
務訪賢才勸學校甲子久旱錄囚乙巳詔死罪囚輸  
作金吾衛秋七月庚寅命刑部侍郎李似初僉都御  
史張構與閹門使觀察使同侍直備顧問糾百司闕  
遺庚子徙天下富民實京師辛丑除應天太平寧國  
鎮江廣德官田半租癸丑別失八里入貢八月乙卯  
朔召秦王榘至京師乙丑皇太子巡撫陝西丙寅遣

使行天下存恤鰥寡孤獨乙亥哈梅里過西域回紇  
貢使都督僉事劉真宋晟討平之己卯發山東河南  
倉粟貸貧民九月乙酉朔遣使撫諭西域甲午蠲五  
臺霜災田租庚子罷建寧歲貢龍團茶是月倭寇雷  
州百戶李玉鎮撫陶鼎戰歿冬十月丁巳蠲北平河  
間水災田租乙丑擢南豐典史馮堅為僉都御史十  
一月己丑占城入貢却之癸巳詔天下生員兼讀誥  
律己亥賞民間子弟能誦大誥者庚戌皇太子還自  
陝西晉王桐來朝辛亥賑河南被水州縣十二月癸  
丑朔詹徽為吏部尚書仍兼左都御史右副都御史

袁泰為右都御史庚午周王構復國辛巳起州土酋  
阿資復叛都督僉事何福為平羌將軍討降之

二十五年春正月戊子周王構來朝庚寅河決陽武  
浸滯及陳中牟諸州縣發軍民築堤並蠲今年田租  
乙未何福討都勻畢節諸蠻平之丙申徙元梁王孫  
爰顏帖木兒於高麗辛丑宥死囚令輸邊粟壬寅晉  
王稠燕王棟楚王棖湘王栢來朝二月乙卯京衛卒  
有造官船伐民樹者帝曰輦下如此他可知矣斬為  
首一人餘謫戍甘肅戊午五開蠻亂都督僉事茅鼎  
討平之獻俘於京師甲子詔生員兼習射書數丙寅

耕籍田癸酉將校謫戍雲南貴州者皆復官庚辰徙  
崇明民被水失業者於江北墾田官給牛種詔天下  
衛所軍以十分之七屯田三月癸未馮勝傅友德李  
景隆藍玉等十三人分理陝西山西河南諸衛軍務  
甲申賑東安文安諸縣水災蠲其田租己丑遣中官  
諭河州諸衛蕃族令輸馬易茶庚寅改封豫王桂為  
代王漢王棖為肅王衛王植為遼王罷築鳳陽城祭  
郊前兩浙運使陳璘坐胡惟庸黨逮至京以元忠臣  
福壽子宥之夏四月壬子朔藍玉征罕東癸丑建昌  
衛指揮月魯帖木兒等叛指揮安的魯毅擊破之乙

亥釋輕繫囚徒流以上悉戍邊丙子皇太子標薨戊寅詔都督聶緯權總兵官都督徐司馬都指揮瞿能副之討月魯帖木兒俟監玉師還並聽節制五月辛巳朔藍玉至罕東寇遁遂旋師趨建昌己丑賑陳原武水災六月戊午封都督僉事俞通淵為越雋侯丁卯西平侯沐英卒於雲南丙子薊竹山逋租秋七月癸未瞿能攻月魯帖木兒破之月魯遁入栢興州己丑貴州指揮金真等討叛蠻郎浦諸寨平之戊戌會川土官知府王春作亂指揮俞輔擊降之八月庚戌朔袁泰卒癸丑代王桂之國庚申葬懿文皇太子都



指揮周興出塞捕寇至徹徹兒山破之獻俘京師丁  
卯命常昇王弼等往平陽吳傑濮煦等往太原籍民  
為軍置東勝大同十六衛辛未燕王棣湘王栢來朝  
甲戌歲給公侯祿歸賜田於官是月頒醒貪簡要錄  
於內外諸司九月庚寅立皇孫允炆為皇太孫高麗  
李成桂請更國號詔改為朝鮮癸卯秦遠有罪自殺  
冬十月乙巳分遣監生考校天下諸司案牘乙亥沐  
春襲西平侯鎮雲南十一月甲午藍玉誘致月魯帖  
木兒以獻誅之甲辰除祥符河決田租十二月丙辰  
詔以微過譴者得薦舉甲子籍廣東蠶戶輦人為軍

乙丑都督僉事楊春討靖州綏寧蠻平之辛未瀾河  
間水災田租閏十二月己卯遣使市牛給山東屯種  
貧民甲午命僧錄司造周知冊頒天下寺院以譏察  
卒囚之逋匿者是歲以方孝孺為漢中教授

二十六年春正月戊申罷天下耆民來朝癸亥肅王  
瑛遣王植慶王懋寧王權之國戊辰頒大成樂器於  
天下儒學已已會同山賊王漢等連五開龍里羣蠻  
為亂靖州衛軍討平之二月丁丑詔晉王綢統軍出  
塞癸未頒金銅信符於西涼諸蕃族乙酉蜀王椿來  
朝涼國公藍玉坐謀反及其黨景川侯曹震鶴慶侯

張翼普定侯陳桓舳舻侯朱壽東莞伯何榮吏部尚  
書屠徽等皆伏誅夷其族庚寅耕籍田三月戊申緬  
人入貢辛亥詔代王桂率護衛出塞聽晉王桐節制  
丙辰馮勝傅友德往西北平備邊聽晉王桐燕王  
棣節制夏四月乙亥朔孝感饑遣使乘傳發倉貸之  
因詔有司遇歲饑先發廩貸民然後奏聞戊子周王  
橐來朝庚寅早詔羣臣直言得失疏罪囚燕山中護  
衛指揮使阿魯帖木兒留守中衛指揮使乃爾不花  
生謀逆誅丙申以安南弒主擅廢立絕其朝貢甲辰  
吏部司封主事翟善署部事尋授尚書五月乙卯鹽

城早有司貸倉粟之半詔遣使盡發所備賑之是月  
頒逆臣錄於天下六月戊戌戶部右侍郎郁新工部  
右侍郎嚴震直為尚書辛丑申公侯僭侈之禁癸卯  
詔諸王入朝秋七月甲辰朔日有食之戊申選秀才  
隨東宮官侍皇太孫講讀辛亥命遠東謹邊防絕朝  
鮮貢使戊辰樂昌盜起殺縣吏發衛軍討之壬申西  
堡土官卜刺讚等作亂貴州都指揮顧成討平之八  
月甲戌朔散騎舍人劉昌討元氏巨盜王天錫平之  
癸未秦王挾晉王柎燕王棣周王橐齊王搏至京師  
九月己酉永明蠻作亂永州指揮許仁討平之壬子

詔胡惟庸藍玉餘黨未發者盡赦宥之癸丑代王桂  
肅王拱遠王植慶王橐寧王權至京師壬申朝鮮謝  
罪入貢冬十月丙申擢國子監生劉政等六十四人  
為布政按察二司官十一月庚戌除貴州水西宣慰  
司通租十二月壬申朔嚴震直貶御史是歲詔戶部  
榜諭天下凡州縣荒田悉勘實際除其租

二十七年春正月壬寅齒樂安嶧水災田租辛亥雲  
南摩些洞蠻作亂都督僉事徐凱擊敗之辛酉以預  
備倉糧貸貧民二月丁酉遷崇明民無業者於崑山  
墾荒三月庚子朔策試天下貢士賜張信等一百人

進士及第出身有差丙午寧陽滋陽汶上大水蠲其  
田租杖勘災不以聞者庚戌詔有司課民種桑棗木  
棉甲子詔工部收兵甲裹而藏之示勿用夏四月壬  
午詔有司擇民間年高公直者為老人理其無之詞  
訟五月癸亥少詹事任亨泰為禮部尚書六月丁丑  
蠲滋陽水災田租戊寅詔遼東衛軍自明年始屯田  
自給甲午詔浙江福建緣海五軍皆互徙全州及灌  
陽諸縣徭賦作亂湖廣廣西合兵討平之八月辛未  
蠲祥符陽武封丘水災田租甲戌安陸侯吳傑及張  
銓率致仕武臣練兵廣東備倭乙亥遣國子生及人

材分行天下郡縣修治水利丙戌階文千戶張者叛甯正為平羗將軍會徐凱討之詔收民間錢易鈔違者罪之九月辛亥除永寧宣撫司逋租丙寅副都御史曹銘為右都御史冬十月壬午令武臣子弟年十五以下入府縣學講讀經史十一月乙丑阿資復叛沐春及何福擊破之十二月癸巳貴州紫江新藍蠻作亂都指揮程暹討平之摩娑土酋賈哈刺寇鹽井指揮僉事陳進死之

二十八年春正月丙午甯正俘張者送京師伏誅命正從秦玉煇征洮州番寇詔周王橐發河南衛軍晉

王桐發山西衛軍並往塞北築城屯田燕王棣督總  
兵官都指揮使周興勦捕野人沐春等擒阿資斬之  
二月戊辰徙濟南青州兗州登州萊州民於東昌壑  
荒甲戌以工部侍郎王雋為尚書左僉都御史王平  
為右都御史戊子詔輸作死者免勾補己丑詔民間  
百家為里吉凶及農事並相助三月乙巳谷王穗之  
國癸丑秦王棟薨夏四月己巳命國子生六百九十  
人勾稽天下吏牘甲申召龍州土官趙宗壽不至六  
月乙丑肅王模之國壬申詔雲南四川諸土司皆立  
儒學辛巳周興等至開原分軍追野人至甫答迷城



不及而還丁亥李景隆理陝西軍務己丑誠後嗣不  
得設立丞相及用剗剗宮之刑臣下敢請者處以  
重典秋七月甲午廣西都指揮韓觀平宜山諸縣蠻  
寇戊戌確山野蠻戍爾羣臣請表賀不許八月丁卯  
左都督楊文為征南將軍韓觀宋晟副之討趙宗壽  
戊辰湯和卒辛巳趙宗壽輸罪詔楊文移軍討奉議  
南丹向武叛蠻丁亥指揮僉事胡冕為征虜前將軍  
宋晟徐越等副之討郴州桂陽山賊平之九月甲午  
岷王榷之國丙申趙宗壽來朝丁酉賜應天太平寧  
國鎮江廣德及山樂秋糧庚戌詔頒祖訓條章於天

下後世敢有議更糴法者罪無赦閏九月丁卯翟善  
有罪謫遣化知縣己卯沅州苗作亂指揮僉事李貞  
等討平之庚辰齒文安水災夏稅丁亥鎮遠苗蠻作  
亂指揮萬繼等戰歿指揮許能討平之冬十月壬寅  
罷百官朝衣後賜食癸卯詔安南轉餉二萬石給奉  
議向武軍己未詔天下僧道赴京師試經典雲南都  
指揮同知王俊城廣南土官儂貞佑拒命俊討擒之  
是月楊文等討平奉議諸蠻十一月乙丑顧成討西  
堡土官阿傍平之移兵平都勻諸蠻劉真攻破南丹  
蠻地悉平十二月壬辰詔山東河南自二十七年始

新墾田勿徵租有司侵擾者罪

二十九年春正月壬戌詹事府丞杜澤為吏部尚書

左贊善門克新為禮部尚書二月庚寅詔緬人毋相

攻甲午任亨泰使安南還貶御史癸卯宋晟討平廣

東潭源諸洞蠻辛亥詔燕王棣率軍往大寧全寧周

世子有燾率河南軍往北平巡邊壬子陝西都指揮

陳暉等出塞襲迤北偽王撒力失結於失刺罕大破

之乙卯賑彭澤饑縣官不以聞杖之三月辛酉召楚

王楨湘坐栢至京師甲子燕王棣至徹徹兒山遇寇

敗之擒其將孛林帖木兒追敗哈刺兀於兀良哈禿

城而還壬申以黃紳舒從祀文廟黜楊雄祀夏五月  
庚申除~~武~~安通租乙丑貴州平浪蠻作亂都指揮程  
暹討平之庚午詔湖南種桑六月戊子廣西都指揮  
同知姜旺等大破思恩叛蠻秋七月以諸司表箋多  
觸犯撰成式頒之八月丁酉楊靖罷丁未賜應天太  
平寧國鎮江廣德今年田租已酉門克新卒是月右  
都御史來恭降刑部右侍郎九月乙亥召致仕武臣  
二千五百餘人入朝大賚之尋各進一秩授職於諸  
邊衛冬十月甲寅改置天下按察分司為四十一道  
十一月壬戌蠲大城水災田租十二月乙酉朔遣使

諭安南還思明府五縣是月瀧水猺賊李敬宗作亂  
指揮郭昂戰死都指揮僉事袁遇春討平之

三十年春正月丙辰耿炳文為征西將軍郭英副之  
巡西北邊乙丑沔縣賊高福興作亂耿炳文討誅之  
乙亥詔有司以預備倉粟貸貧民已知諭翰林官進  
讒言二月癸巳工部左侍郎孫顯為尚書丁酉分江  
西人戶丁多無田者於常德墾荒甲辰廷臣請討安  
南不許三月癸丑朔策試天下貢士賜陳邨等五十  
一人進士及第出身有差甲子申禁民間以金銀市  
易卒未征南將軍都督僉事顧成討水西叛寇居宗

必登等大破之夏四月癸巳籍天下富戶名以次召  
至量才。之己亥古州蠻林寬作亂湖廣都指揮齊  
讓為平羌將軍率師討之癸卯前刑部尚書楊靖為  
左都御史御史嚴震直為右都御史五月壬子朔日  
有食之甲寅定官民贖罪例丙寅賜山西民田東昌  
者再復一年己卯天下師生講讀大誥來朝者十九  
萬三千餘人各賜鈔遣還六月辛巳朔以北方貢士  
無中式者命儒臣覆閱遺卷得六十一人復策試之  
賜韓克忠等進士及第出身有差罪考官翰林學士  
劉三吾等壬午錄囚庚寅晉王摺周王橚帥師出關

平塞馳勅追還之己酉駙馬都尉歐陽倫坐販私茶  
出境賜死陝西布政司官不舉發者並罪之秋七月  
乙丑禁邊將私鬻馬及以所俘蕃人為奴八月辛巳  
熙陽辰溪蠻民作亂詔楚王楨討之丁亥河決開封  
己丑嚴震直為工部尚書己亥義門鄭沂為禮部尚  
書丁未禁諸王興作九月辛亥詔天下里民宣聖諭  
六條月以木鐸徇於路丁巳晉王禔代王桂並獻嘉  
禾壬戌罷貢人材戊辰平緬刁幹孟等逐其宣慰使  
思倫發 燕沐春送恩倫發於京師乙亥楊文佩征  
虜將軍印代齊讓討林寬未至讓俘寬以獻文討餘

黨平之冬十月己卯朔蠲淮安水災田租癸未詔天下通租、土產代輸戊子罷遠東海運甲辰蠲鳳陽旱災田租十一月癸酉沐春為征虜前將軍何福徐凱為左右將軍討刁幹孟甲戌齊讓坐還撓誅十二月乙巳遣思倫發還雲南

三十一年春正月乙丑遣人材分詣山東河南州縣課農二月乙酉倭寇寧海指揮陶鐸擊敗之庚子水西蠻平甲辰徐凱俘摩娑叛酋賈哈刺送京師伏誅三月己未晉王桐慶癸亥賜琉球君臣冠服從其國王察度請也甲戌蠲懷遠旱災田租夏四月戊子刑



部侍郎暴昭為左都御史壬寅蠲鹽城山陽水災田  
租是月杜澤罷五月丁未朔沐春大敗平緬兵於南  
甸辛亥蠲昌邑海溢田租甲寅帝不豫戊午楊文率  
師從燕王棣備禦開平郭英率師從遼王植備禦開  
平迨北俱聽燕王節制詔山西民田東昌者再賜復  
一年丁卯蠲高郵泰水災田租閏五月乙酉帝崩於  
西宮年七十有一遺詔喪葬儀物一從儉素毋用金  
玉孝陵山川因其故無有所改天下臣民哭臨三日  
皆釋服紫綵娶諸王各自臨國中無得至京師六  
月上尊諡曰高皇帝廟號太祖十一月葬孝陵永樂

元年上尊謚曰聖神文武欽明啓運峻德成功統天  
大孝高皇帝始嘉靖七年加上尊謚曰闡天行道肇  
紀立極大聖至神仁文義武峻德成功高皇帝帝英  
武明達具有大度自率衆渡江延攬賢豪兼綜羣策  
用兵料敵機變如神諸將稟受成算所至無不克捷  
者即位之後勤於聽斷每至夜分始罷隆冬盛暑未  
嘗少變稍閒即與儒臣講論弗倦嘗謂侍臣曰自古  
國家未有不以勤慎而興以怠荒而廢朕心悚惕何  
敢即安每遇災修省避殿撤樂軫念生靈疾苦即蠲  
租賑貸無虛日自奉儉樸非宴享不設盛饌謹於儀

度對臣工必正衣冠禮祀必嚴齋宿東圭夔夔祇若  
誠心愛民尤矜窮困語及稼穡艱辛輒為流涕旁求  
俊人不吝爵賞士無貴賤皆得引見崇尚教化隆重  
師儒禮樂章程煥然可述其誠諭臣下垂訓後昆援  
筆成文思如夙構晚年彌勤政理邊防軍務飭備益  
嚴蓋開創之規模可謂弘遠也矣

論曰帝由農畝奮興驅除亂略十餘年間廓清南服  
掃羣雄而有之及定鼎金陵奠安中夏遂成建瓴之  
勢殆所謂剽羣虎掃撥亂世反之正者與臨馭三十  
一載孜孜圖治日昃不遑敷政任人立綱陳紀法制

登然丕備一時吏畏民懷四裔賓服徽猷盛業史不  
勝書求之歷時萬載亦何以加焉蓋其生長田間艱  
難締造人情世務熟悉深嘗諸所措施絕非尋常意  
慮所能及惟是刑罰所加頗隣嚴急或者時宜重典  
固有不得不然者歟祖訓有之朕權時處治特儆奸  
頑非子孫所常用觀此則帝一時用法之意亦大槩  
可觀矣不然貽謀垂裕懋建無窮之基是遵何德也  
哉